

十
八
家
詩
鈔

十八家詩鈔卷四目錄

李太白五古上二百九首

古風五十九首

俠客行

關山月

結客少年場行

長干行二首

古朗月行

上之回

獨不見

妾薄命

幽州胡馬客歌

門有車馬客行

君子有所思行

東海有勇婦

黃葛篇

白馬篇

怨歌行

塞下曲六首

塞上曲三首

玉階怨

襄陽曲四首

大隄曲

宮中行樂詞八首

鼓吹入朝曲

秦女休行

秦女卷衣

東武吟

邯鄲才人嫁爲厮養卒婦

出自薊北門行

洛陽陌

北上行

短歌行

空城雀

發白馬

陌上桑

枯魚過河泣

丁都護歌

相逢行二首

千里思

樹中草

君馬黃

擬古

折楊柳

鳳凰曲

少年子

紫驢馬

少年行

豫章行

沐浴子

宋詩少

卷四目錄

高句驪

靜夜思

淶水曲

鳳臺曲

從軍行二首

秋思二首

春思

子夜吳歌四首

對酒二首

估客樂

去婦詞

長歌行

南都行

玉真仙人詞

清溪行

歷陽壯士勤將軍名思齊歌

古意

贈從兄襄陽少府皓

贈張公洲草處士

淮海對雪贈傅縞

贈徐安宜

贈任城廬主簿潛

早秋贈裴十七仲堪

贈范金鄉二首

贈瑕邱王少府

贈丹陽橫山周處士惟長

玉真公主別館苦雨贈衛尉張卿二首

贈韋祕書子春

贈韋侍御黃裳二首

贈薛校書

贈何七判官昌浩

讀諸葛武侯傳書懷贈長安崔少府叔封昆季

贈崔侍御

贈參寥子

贈饒陽張司務璲

贈清漳明府姪

贈臨洛縣令皓弟

鄴中贈王大勸入高鳳石門山幽居

贈盧徵君昆弟

贈新平少年

贈崔侍御

贈嵩山焦鍊師

秋日鍊藥院鑷白髮贈元六兄林宗

書情贈蔡舍人雄

憶襄陽舊遊贈濟陰馬少府巨

訪道安陵遇蓋寰爲子造真籙臨別畱贈

贈郎中崔宗之

贈崔諮議

贈別從甥高五

贈裴司馬

敘舊贈江陽宰陸調

贈從孫義興宰銘

草創大還贈柳官迪

贈崔司戶文昆季

贈溧陽宋少府陟

戲贈鄧溧陽

贈僧崖公

遊溧陽北湖亭望瓦屋山懷古贈同旅

贈秋浦柳少府

宿清溪主人

贈王判官時余歸隱居廬山屏風疊

在水軍宴贈幕府諸侍御

贈武十七諤

贈張相鎬二首

贈閻邱宿松

獄中上崔相渙

繫尋陽上崔相渙二首

贈劉都使

贈常侍御

贈易秀才

經亂離後天恩流夜郎憶舊遊書懷贈江夏韋太守良宰
江夏使君叔席上贈史郎中

流夜郎半道承恩放還兼欣剋復之美書懷示息秀才

十八家詩鈔卷四目錄

善化黃維申襄校

十八家詩鈔卷四

湘鄉曾國藩纂 合肥李鴻章審訂 東湖王定安校

李太白五古上二百九首

古風五十九首

大雅久不作。吾衰竟誰陳。王風委蔓草。戰國多荆榛。龍虎相啖
食。兵戈逮狂秦。正聲何微茫。哀怨起騷人。揚馬激頽波。開流蕩
無垠。廢興雖萬變。憲章亦已淪。自從一作騰建安來。綺麗不足珍。
聖代復元古。垂衣貴清真。羣才屬休明。乘運共躍鱗。文質相炳
煥。眾星羅秋旻。我志在刪述。重一作垂輝映千春。希聖如有立。絕
筆於獲麟。

蟾蜍薄太清。蝕此瑤臺月。圓光虧中天。金魄遂淪沒。蟬螻入紫微。大明夷朝暉。浮雲隔兩耀。萬象昏陰罪。蕭蕭長門宮。昔是今

已非。桂蠹花不實。天霜下巖威。沈歎終永夕。感我涕沾衣。

蟬螻

指楊妃蟬螻句指祿山陷京師
兩權謂元宗在蜀肅宗在靈武

秦皇掃六合。虎視何雄哉。揮劍決浮雲。諸侯盡西來。明斷自天

啟

一作雄圖大略駕羣才。收兵鑄金人。函谷正東開。銘功會稽

嶺。騁望鄗邪臺。刑徒七十萬。起土驪山隈。尙採不死藥。茫然使

心一作人

哀。逆弩射海魚。長鯨正崔嵬。頰鼻象五嶽。揚波噴雲雷。

鬻鬲蔽青天。何由覩蓬萊。徐市載秦女。樓船幾時回。但見三泉

下。金棺葬寒灰。

鳳飛九千仞。五章備綵珍。銜書且虛歸。空入周與秦。橫絕歷四海。所居未得鄰。吾營紫河車。千載落風塵。藥物祕海嶽。採鉛青谿濱。時登大樓山。舉首望仙真。羽駕滅去影。飈車絕回輪。尙恐丹液遲。志願不及申。徒霜鏡中髮。羞彼鶴上人。桃李何處開。此花非我春。唯應清都境。長與韓眾親。

太白何蒼蒼。星辰上森列。去天三百里。邈爾與世絕。中有綠髮翁。

披雲一作春臥松雪。不笑亦不語。冥棲在巖穴。我來逢真人。長

跪問寶訣。粲然忽自哂。一作啟授以鍊藥說。銘骨傳其語。竦身

已電滅。仰望不可及。蒼然五情熱。吾將營丹砂。永與世人別。

代馬不思越。越禽不戀燕。情性有所習。土風固其然。昔別鴈門

關今成龍庭前驚沙亂海日飛雪迷胡天蟻蝨生虎鶻上林賦蒙鶻蘇

綺白虎蓋畫鶻蘇以為冠畫白虎以為袴也此云蟻蝨生虎鶻蓋蟻蝨生於衣袴之上也

功不賞忠誠難可宣誰憐李飛將白首沒三邊

客有鶴上仙飛飛凌太清揚言碧雲裏自道安期名兩兩白玉

童雙吹紫鸞笙去影忽不見回風送天聲舉首遠望之一作我

之飄然若流星願餐金光草壽與天齊傾一作五鶴西北來飛

上自道安期名兩兩白玉童雙吹紫鸞笙飄然下倒景倏忽

無雷行遺我金光草服之四體輕將隨赤松去對博坐蓬瀛

莊周夢蝴蝶蝴蝶為莊周一體更變易萬事良悠悠乃一作知

蓬萊水復作清淺流青門種瓜人舊日東陵侯富貴固一作如

此營營何所求

齊有侖僮生魯連特高妙明月出海底一朝開光曜卻秦振英
聲後世仰末照意輕千金贈顧向平原笑吾亦澹蕩人拂衣可
同調

黃河走東溟白日落西海逝川與流光飄忽不相待春容捨我

去秋髮已衰改人生非寒松年貌一作顏色豈長在吾當乘雲螭吸

景駐光彩一作誰能學天飛三秀與君採

松柏本孤直難爲桃李顏昭嚴子陵垂釣滄波間身將客星

隱心與浮雲閑長揖萬乘君還歸富春山清風灑六合邈然不

可攀使我長歎息冥樓巖石閒

君平既棄世世亦棄君平觀變窮太易探元化羣生寂寞綴道

人
卷
五
李
上

論

一作真道

空簾閉幽情

一作清

騶虞不虛

一作復

來鸞鷲有時鳴

安知

天漢

上白日懸高名

海客去已久

誰人能

一作測

沈冥

君平騶虞鸞鷲皆太

自以

胡關饒風沙蕭索

一作颯

竟終古歲落秋草黃

登高望戎虜

荒城

空大漠邊邑無遺堵白骨橫千霜嗟峨蔽榛莽借問誰陵虐天

驕毒威武赫怒我聖皇勞師事鼙鼓陽和變殺氣發卒騷中土

三十六萬人哀淚如雨且悲就行役安得營農圃不見征戍

兒豈知關山苦

一本此下添爭鋒徒死節乘鉞皆庸

李牧今不

在

一作不在

邊人飼豺虎

燕昭延郭隗遂築黃金臺劇辛方趙至

一作往

鄒衍復齊來柰何

青雲士棄我如塵埃。珠玉買歌笑，糟糠養賢才。方知黃鶴舉千
里，獨徘徊。

金華牧羊兒，乃是紫煙客。我願從之遊，未去髮已白。不知繁華

一作朱瀨子擾擾何所迫。崑山探瓊蕊，一作雜可以鍊精魄。

天津三月時，千門桃與李。朝爲斷腸花，暮逐東流水。前水復一作

非後水，古今相續流。新一作今人非舊人，年年橋上遊。鷄鳴海色

動，謁帝羅公侯。月落西上陽，一作西陽餘輝半城樓。衣冠照雲日

朝下散，皇州鞍馬如飛龍。黃金絡馬頭，行人皆辟易。志氣橫嵩

邱，入門上高堂。列鼎錯珍羞，香風引趙舞。清管隨齊謳，七十紫

鴛鴦。雙雙戲庭幽，行樂爭晝夜。自言度千秋，功成身不退。自古

多愁尤黃犬空歎息綠珠成釵警何如鷗夷子散髮棹一作扁

舟

西上

一作嶽

蓮花山迢迢見明星素手把芙蓉虛步躡太清霓裳

曳廣帶飄拂昇天行邀我登雲臺高揖衛叔卿恍恍與之去駕

鴻凌紫冥俯視洛陽川茫茫走胡兵流血塗野草豺狼盡冠纓

昔我遊齊都登華不注峯茲山何峻秀綠翠如芙蓉蕭颯古仙

人了知是赤松借予一白鹿自挾兩青龍含笑凌倒景欣然願

相從

泣與親友別欲語再三咽勸君青松心努力保霜雪世路多險

艱白日欺紅顏分首各千里去去何時還

在世復幾時倏如飄風度空閨紫金經自首愁相誤撫己忽自

笑沈吟爲誰故名利徒煎熬安得閒余步終畱赤玉寫東上蓬

山一作萊路秦帝如我求蒼蒼但煙霧此首亦志在學仙

郢客吟白雪遺響飛青天徒勞歌此曲舉世誰爲傳試爲巴人

唱和者乃數千吞聲何足道歎息空淒然此首言曲高和寡

秦水別隴首幽咽多悲聲胡馬顧朔雪躑躅長嘶鳴感物動我

心緬然含歸情昔視秋蛾飛今見春蠶生媚媚桑枯一作葉萋

萋柳垂榮急節謝流水羈心搖懸旌揮涕且復去惻愴何時平

此首有倦遊思歸落葉繁根之意

秋露白如玉團團下庭綠我行忽見之寒早悲歲促生猶鳥過

目胡乃自結束景公一何愚牛山淚相續物苦不知足登

一作得

隴又望蜀人心若波瀾世路有

一作多

屈曲三萬六千日夜夜當

秉燭

此首悲年光之迅駛

大車揚飛塵亭午暗阡陌中貴多黃金連雲開甲宅路逢鬪雞者冠蓋何輝赫鼻息干虹蜺行人皆怵惕世無洗耳翁誰知堯與跖

世路日交喪澆風散淳源不采芳桂枝反棲惡木根所以桃李樹吐花竟不言大運有興沒羣動爭飛奔歸來廣成子去入無窮門

碧荷生幽泉朝日豔且鮮秋花冒綠水密葉羅青煙秀色空絕

世馨香誰爲傳坐看飛霜滿凋此紅芳年結根未得所願託華池邊

燕趙有秀色綺樓青雲端睂目豔皎月一笑傾城歡常恐碧草晚坐泣秋風寒纖手怨玉琴清晨起長歎焉得偶君子共乘雙

飛鸞

美女求偶皆喻賢才求主不獨此首爲然亦不獨公詩爲然

容顏若飛電時景如飄風草綠霜已白日西月復東華鬢不耐秋颯然成衰蓬古來聖賢人一一誰成功君子變猿鶴小人爲沙蟲不及廣成子乘雲駕輕鴻

此首亦傷時光之易逝

三季分戰國七雄成亂麻王風何怨怒世道終紛拏至人洞元象高舉凌紫霞仲尼亦一作浮海吾祖之流沙聖賢共淪沒臨

歧胡咄嗟

此首亦欲高舉出世

玄風變太古道喪無時還擾擾季葉

一作市井

人雞鳴趨四關但識

金馬門誰

一作誰

知蓬萊

山白首死羅綺笑歌無休

一作時

閒綠酒

晒丹液青娥凋素顏

一作骨風塵凋素顏

大儒揮金槌琢之

一作發冢詩

禮閒蒼蒼三珠樹冥目焉能攀

大儒二句用莊子

鄭客西入關行行未能已白馬華山君相逢平原里璧遺鎬池

公明年祖龍死秦人相謂曰吾屬可去矣一往桃花源千春隔

流水

蓐收肅金氣西陸弦海月秋蟬號階軒感物憂不歇良辰竟何

許大運有淪忽天寒悲風生夜久眾星沒惻惻不忍言哀歌達

明發

此首亦感時
節之早謝

北溟有巨魚身長數千里仰噴三山雪橫吞百川水憑凌隨海

運烜赫因風起吾觀摩天飛九萬方未已

此首自況卽賦
大鵬之意也

羽檄如流星虎符合專城喧呼救邊急羣鳥皆夜鳴白日曜紫

微三公運權衡天地皆得一澹然四海清借問此何爲答言楚

徵兵

一作征
楚兵

渡瀘及五月將赴雲南征怯卒非戰士炎方難遠

行長號別嚴親日月慘光晶泣盡繼以血心摧兩無聲困獸當

猛虎窮魚餌奔鯨干去不一回投軀豈全生如何舞干戚一使

有苗平

此首似諷天寶末
卽白太傅新豐折臂翁之詩意

醜女來效噀還家驚四鄰壽陵失本步笑殺邯鄲人一曲

一作
東西

斐然子雕蟲喪天真棘刺造沐猴三年費精神功成無所用楚

楚且華

一作榮

身大雅思文

王頌聲久崩淪安得郢中質一揮成

風斤

一作承風一運斤○此首刺當時文士之以雕飾奪天真者卽第一首綺麗不足珍之意

抱玉入楚國見疑古所聞

良寶終見棄徒勞三獻君直木忌先

伐芳蘭哀自焚盈滿天所損沈冥道爲羣東海汎碧水

一作流

西

關乘紫雲魯連及柱史可以躡清芬

此首戒懷材者不宜自炫宜以老子魯連爲法

燕臣昔慟哭五月飛秋霜

感造化爲悲傷

一本此下添而我竟

浮雲蔽紫闥白日難回光

羣沙穢明珠眾草凌孤芳

古來共歎息流淚空沾裳

前六句言積誠可以

回天後六句言眾口可以鑠金

理有定而事無定反覆感歎

孤蘭生幽園，眾草共蕪沒。雖照陽春暉，復悲高秋月。飛霜早漸

憑綠豔，恐休歇。若無清風吹香氣，爲誰發。此首喻賢才處幽

登高望四海，天地何漫漫。霜被羣物秋，風飄大荒寒。榮華東流

水，萬事皆波瀾。白日掩徂暉，浮雲無定端。梧桐巢蔦雀，枳棘棲

鸞鷟。且復歸去來，劔歌行。一作悲路難一本自第四句後云殺氣

鳴天霓遺聲何辛酸遊人悲舊國撫心亦盤桓倚劔

歌所思曲終涕洟瀾○此首言萬事反覆波瀾千變

鳳飢不啄粟，所食惟琅玕。焉能與羣雞，蹙一餐。朝鳴

崑邱樹，夕飲砥柱湍。歸飛海路遠，獨宿天霜寒。幸遇王子晉，結

交青雲端。懷恩未得報，感別空長歎。此首亦自

朝弄紫泥海。一作朝駕夕披丹霞裳，揮手折若木。拂此西日光。

雲臥

一作舉

遊八極

玉顏已

千霜

飄飄入

無倪稽首

祈上皇

呼我

遊太素

玉杯

賜瓊漿

一餐

歷萬歲

何用還

故鄉

永隨長風

去天

外恣飄揚

此首即屈子遠遊之意

揭裔雙白鷗

鳴飛滄江流

宜與海人狎

豈伊雲鶴儔

寄影宿沙

月沿芳戲

春洲吾亦洗

心者忘機

從爾遊

周穆八荒

意漢皇萬乘

尊淫樂心不極

雄豪安足論

西海宴王

母北宮

遊上元

瑤水聞遺歌

玉杯竟空言

靈迹成蔓草

徒悲千

載魂

此即郭景純所說燕昭無靈氣漢武非仙才之意

綠蘿紛葳蕤

繚繞松柏枝

草木有所託

歲寒尚不移

奈何天桃

色坐歎

葑菲詩

玉顏豔紅彩

雲髮非素絲

君子恩已畢

賤妾將

何爲

此對華士不能久聚

八荒馳驚飈萬物盡凋落浮雲蔽頽陽洪波振大壑龍鳳脫網

罟飄飄將安託去去乘白駒空山詠場壺

此首志在高舉出世亦自況之詩

一百四十年國容何赫然隱隱五鳳樓峨峨橫三川王侯象星

月賓客如雲煙

一本首六句云帝京信佳麗國容何赫然劍戟

鬪雞金宮城

一作裏

蹴踘瑤臺邊

一作走馬

舉動搖白日指揮回

青天當塗何翕忽失路長棄捐獨有揚執戟閉關草太玄

此欺承平

時權門之盛今已衰歇

桃花開東園含笑誇白日偶蒙春風榮生

一作矜

此豔陽質豈無

佳人色但恐花不實宛轉龍火飛零落早相失詎知南山松獨

立自蕭瑟

末二句自沈即陶公疑霜
珍異類卓然見高枝之意

秦皇按寶劍，赫怒振威神。逐日巡海右，驅石駕滄津。徵卒空九

寓作橋傷萬人，但求蓬壺藥。豈思農鴈春，力盡功不贍。千載爲

悲辛。

美人出南國，灼灼芙蓉姿。皓齒終不發，芳心空自持。由來紫宮

女，共妬青蛾眉。歸去瀟湘沚，沈吟何足悲。

宋國梧桐臺，東野人得燕石。

一作宋人枉千
金去國買燕石誇作天下珍，卻晒趙

王璧。趙璧無緇磷，燕石非貞真。流俗多錯誤，豈知玉與珉。

殷后亂天紀，楚懷亦已昏。夷羊滿中野，綠莢盈高門。比干諫而

死，屈平竄湘源。虎口何婉變，女顏空嬋娟。彭咸久淪沒，此意與

誰論

青春流驚湍朱明

一作火

驟回薄不忍看秋蓬飄揚竟何託光風

滅蘭蕙白露灑葵藿

一作蕭蕭

美人不我期草木日零落

此首亦

與之意

戰國何紛紛兵戈亂浮雲趙倚兩虎鬪晉爲六卿分姦臣欲竊
位樹黨自相羣果然田成子一旦弑齊君

倚劔登高臺悠悠送春日蒼榛蔽層邱瓊草隱深谷鳳凰鳴西

海欲集無珍木鸞斯得匹

一作所

居

一作樓

蒿下盈萬族晉風日已

頽窮途方慟哭

一本首四句以下云翻翻眾鳥飛翔翔在珍木羣花亦便娟榮耀非一族歸來槍途窮日暮還

哭慟

齊瑟彈

一作揮

東吟秦絃弄西音慷慨動顏魄使人成荒淫彼女

佞邪子婉變來相尋一笑雙白璧再歌千黃金珍色不貴道詎

惜飛光沈安識紫霞客瑤臺鳴玉

一作素

琴

越客採明珠提攜出南隅清輝照海月美價傾鴻

一作皇

都獻君

君按劍懷寶空長吁魚目復相哂寸心增煩紆

羽族稟萬化小大各有依唼唼亦何辜六翮掩不揮願銜眾禽

翼一向黃河飛飛者莫我顧歎息將安歸

我行巫山渚尋古登陽臺天空綵雲滅地遠清風來神女去已

久襄王安在哉荒淫竟淪沒樵牧徒悲哀

惻惻泣路歧哀哀悲素絲路歧有南北素絲易

一作有

變移

一本下添

萬事固如此，人生無定期。田園資相傾，尊首客互盈。
滿世塗多翻覆，交道方嶮巇。酒以下同。谷風刺輕薄，交

道方嶮巇。斗酒強然諾，寸心終自疑。張陳竟火滅，蕭朱亦星離。

眾鳥集榮柯，窮魚守空池。嗟嗟失懽客，勤問何所規。
一作悲又

作鏡。○此首卽翟公署門之意。老杜貧交行亦同此概。

俠客行雜曲歌辭以下樂府

趙客縵胡纓，吳鉤霜雪明。銀鞍照白馬，颯沓如流星。十步殺一

人，千里不留行。事了拂衣去，深藏身與名。澗過信陵飲，脫劍膝

前一作上。橫將炙啖朱亥，持觴勸侯嬴。三杯吐然諾，五嶽倒爲輕。

眼花耳熱後，意氣素霓生。救趙揮金槌，邯鄲先震驚。千秋二壯

士，烜赫大梁城。縱死俠骨香，不慙世上英。誰能書閣下，白首太

玄經

關山月

橫吹曲辭。樂府解題曰：關山月，傷離別也。郭曰：相和曲有度關山亦此類也。

明月出天山，蒼茫雲海間。長風幾萬里，吹度玉門關。漢下白登道，胡窺青海灣。由來征戰地，不見有人還。戍客望邊色，

一作思

歸多苦顏高樓當此夜，歎息未應閒。

一作還

結客少年場行

雜曲歌辭。曹植結客篇曰：結客少年場行報怨洛北邙。樂府解題曰：結客少年場行

言輕生重義，概以立功名也。

紫鸞黃金瞳啾啾

一作稜稜

搖綠鬢，平明相馳逐。結客洛門東，少年

學劍術，凌轢白猿公。珠袍曳錦帶，匕首插吳鴻。由來萬夫勇，挾

此英雄風，託交從劇孟。買醉入新豐，笑盡一杯酒。殺人都市中。

羞道易水寒從

一作徒

今日貫虹燕丹事不立虛沒秦帝宮武陽

死灰人安可與成功

長干行二首

雜曲歌辭

妾髮初覆額折花門前劇郎騎竹馬來遶牀弄青梅同居長干里兩小無嫌猜十四爲君婦羞顏未嘗開低頭向暗壁千喚不一回十五始展眉願同塵與灰常存抱柱信一作恥上望夫臺

十六君遠行瞿塘濼預堆五月不可觸猿聲天上哀門前遲一作

舊行跡一作一生綠蒼一作蒼蒼深不能掃落葉秋風早八月蝓蜨

來一作黃雙飛西園草感此傷妾心坐愁紅顏老早晚下三巴預

將書報家相迎不道遠直至長風沙

憶妾

一作背

深閨裏煙塵不曾識嫁與長干人沙頭候風色五月

南風興思君下巴陵八月西風起想君發揚子去來悲如何見

少別離多湘潭幾日到妾夢越風波昨夜狂風度吹折江頭樹

森森暗無邊行人在何處北客至

一作真

王公朱衣滿汀江一作中

一作北客浮雲

日暮來投宿數朝不肯東自憐十五餘顏色桃

李紅那作商人婦愁水復愁風

古朗月行

雜曲歌辭

小時不識月呼作白玉盤又疑瑤臺鏡飛在青雲端仙人垂兩

足桂樹作一作團圓白兔搗藥成問言誰與餐蟾蜍蝕圓影天

一作天明夜已殘昇昔落九烏天人清且安陰精此淪惑去去不

足觀變來其如不可測心推心月似亦飄飄陰精淪惑等句

上之回

鼓吹曲辭○漢武帝元封四年冬十月行幸雍祠

曲皆美當時之事

三十六離宮樓臺與天通閣道步行月美人愁煙空恩疏寵不

及桃李傷春風淫樂意何極金輿向回中萬乘出黃道千旗揚

彩虹前軍細柳北後騎甘泉東豈問渭川老甯邀襄野童但慕

一作暮瑤池宴歸來樂未窮渭川老文王訪賢也襄野童黃帝問

有所

獨不見

雜曲歌辭○郭集錄者七家樂府

白馬誰家子黃龍邊塞兒天山三丈雪豈是遠行時春蕙忽秋

草莎雞鳴曲池風催寒梭響月入霜園悲憶與君別年種桃齊
蛾眉桃今百餘尺花落成枯枝終然獨不見流淚空自知

妾薄命

雜曲歌辭○郭集錄者十七家

漢帝重

寵一作寵

阿嬌貯之黃金屋咳唾落九天隨風生珠玉寵極

愛還歇如深情卻疏長門一步地不肖暫回車雨落不上天水

覆重難收

一作難重收

君情

一作恩

與妾意各自東西流昔日芙蓉花

今成斷根草

一作素秋草

以色事他人能得幾時好

幽州胡馬客歌

橫吹曲辭

幽州胡馬客綠眼虎皮冠笑拂兩隻劍萬人不可干彎弓若轉
月白雁落雲端雙雙掉鞭行遊獵向樓蘭出門不顧後報國死

何難天驕五單于狼戾好兇殘牛馬散北海割鮮若虎養雖居
燕支山不道朔雪寒婦女馬上笑顏如頰玉盤翻飛射鳥獸花
月醉雕鞍旋頭四光芒爭戰如蜂攢白刃灑赤血流沙爲之丹
名將古誰是疲兵良可歎何時天狼滅父子得聞安

門有車馬客行

王相和歌辭○郭集錄者六家古今樂錄曰

置酒一篇樂府解題曰曹植等門有車馬客行皆言問
訊其客或得故舊鄉里或駕自京師備敘市朝遷謝親
友彫喪之意也曹植又有門有萬里客亦與此同國藩
按此題皆言問訊其客備敘市朝遷變親友彫喪之意

門有車馬賓

一作客

金鞍曜朱輪謂從丹

一作雲

霄落乃是故鄉親

呼兒婦中堂坐客論悲辛對酒兩不飲停觴淚盈巾歎我萬里
遊飄飄三十春空談霸王略紫綬不挂身雄劍藏玉匣陰符生

素塵廓落無所合。流離湘水濱。借問宗黨間。多爲泉下人。生苦

百戰役。死託萬鬼鄰。北風揚胡沙。埋翳周與秦。大運且如此。蒼

穹甍匪仁。惻愴竟何道。存亡任大鈞。北風二句言兩京俱陷借古題以傷時事

君子有所思行。雜曲歌辭。○郭集錄者六家樂府解題曰。君子有所思行。其旨言彤室麗色不足爲

久懼宴安耽毒滿盈所宜敬忌與君子行異也

紫閣連終南。青冥天倪色。憑崖望咸陽。宮闕羅北極。萬井驚盡

出九衢。如絃直渭水。清銀河。橫天流不息。朝野盛文物。衣冠何

翕。絕廐馬散連山。軍容威絕域。伊臯運元化。衛霍輸筋力。歌鐘

樂未休。榮去老還逼。圓光過滿缺。太陽移中昃。不散東海金。何

爭西輝。匿無作牛山。悲惻愴淚沾臆。

東海有勇齊代關中有貞女勇又作賢○舞曲歌辭按魏如薛舞五曲中一日關中有賢女太白作此代之

梁山感杞妻慟哭爲之傾金石忽暫開都由激深情東海有勇婦何慚蘇子卿學劍越處子超騰若流星捐軀報夫讎萬死不顧生白刃耀素雪蒼天感精誠十步兩躩一作跳躍三呼一交兵

斬首掉國門蹴踏五藏行豁此伉儷橫粲然大義明北海李使君飛章奏天庭捨罪警風俗流芳播滄瀛志在列女籍竹帛已光榮瀆于免詔獄漢主爲緹縈津妾一棹歌脫父於嚴刑十子若不肖不如一女英豫讓斬空衣有心竟無成要離殺慶忌壯夫素所輕妻子亦何辜焚之買虛聲豈如東海婦事立獨揚名

黃葛籥

新樂府辭

黃葛生洛谿黃花自縣罽青煙蔓長條繚繞幾百尺闍人費素
手採緝作絳綵縫爲絕國衣遠寄日南客蒼梧大火落暑服莫
輕擲此物雖過時是交手中跡

白馬篇

雜曲歌辭。郭集錄者十家按白馬篇言人當立功立事盡力爲國不可念私也鮑照沈約之作則

言邊塞征戰之事

龍馬花雪毛金鞍五陵豪秋霜切玉劍落日明珠袍鬪雞事萬
乘軒蓋一何高弓摧宜山虎手接太山猱酒後競風彩三杯弄
寶刀殺人如翦草劇孟同遊遨發憤去函谷從軍向臨洮叱咤
經百戰一作萬戰場匈奴盡波濤一作歸來使酒氣未肯拜一作蕭

曹羞入原憲室荒徑隱蓬蒿

怨歌行

一作長安見內人出嫁令予代爲怨歌行○相和歌辭郭集錄者七家

十五入漢宮花顏笑

一作如

春紅君王選玉色侍寢金

一作錦

屏中

薦枕嬌夕月卷衣戀春

一作香

風雷知趙飛燕奪寵恨無窮沈憂

能傷人綠鬢成霜蓬一朝不得意世事徒

一作信

爲空鵬鷗換美

酒舞衣罷雕龍寒苦不忍言爲君奏絲桐腸斷絃亦絕悲心夜

艸

塞下曲六首

新樂府辭○郭集錄者二十二家

五月天山雪無花祇有寒笛中聞折柳春色未曾看曉戰隨金

鼓宵眠抱玉鞍願將腰下劍直爲斬樓蘭

八

詩

卷

五

古

李

上

天兵下北荒胡馬欲南飲橫戈從百戰直爲銜恩甚握雪海上
餐拂沙隴頭寢何當破月氏然後方高枕
駿馬如風颺鳴鞭出渭橋彎弓辭漢月插羽破天驕陣解星芒
盡營空海霧銷功成畫麟閣獨有霍嫖姚

白馬黃金塞雲砂繞夢思那堪愁苦節遠憶邊城兒螢飛秋窗
滿月度霜閨遲摧殘梧桐葉蕭颯沙棠枝無時獨不見淚流空
自知

塞虜乘秋下天兵出漢家將軍分虎竹戰士臥龍沙邊月隨弓
影胡霜拂劔花玉關殊未入少婦莫長嗟

烽火動沙漠連照甘泉雲漢皇按劔起還召李將軍兵一作氣

天上合鼓聲隴底聞橫行負勇氣一戰靜妖氛

塞上曲三首

新樂府辭○郭集錄者九家

大漠無中策匈奴犯渭橋五原秋草綠胡馬一何驕
命將征西極橫行陰山側燕支落漢家婦女無花色
轉戰渡黃河休兵樂事多蕭條清萬里瀚海寂無波

玉階怨

相和歌辭○郭集錄者三家

玉階生白露夜久侵羅襪卻下水精簾玲瓏望秋月

襄陽曲四首

雜歌謠辭

襄陽行樂處歌舞白銅鞮江城回綠水花月使人迷

山公醉酒時酩酊襄

一作高

陽下頭上白接離倒著還騎馬

峴山臨漢江水綠沙如雪一作水色如霜雪上有墮淚碑青苔久磨滅

且醉習家池莫看墮淚碑山公欲上馬笑殺襄陽兒

大堤曲

清商曲辭○郭集選者四家

漢水臨黃一作襄陽花開大堤暖佳期大堤下淚向南雲滿春風

復無情吹我夢魂散不見眼中人天長音信斷

宮中行樂詞八首

奉詔作○近代曲辭

小小生金屋盈盈在紫微山花插寶鬢石竹繡羅衣每出深宮

裏常隨步輦歸只愁歌舞散一作罷化作綵雲飛

柳色黃金嫩梨花白雪香玉樓巢一作關翡翠珠殿鎖鴛鴦選妓

隨雕朝一作輦微歌出洞房宮中誰第一飛鷲在昭陽

盧橘爲秦樹

一作是

漢宮煙花宜落日絲管醉春風笛奏

龍鳴

一作吟

水簫吟

一作鳴

鳳下空君王多樂事何必向

一作在

回中

一作還與

玉樹

一作殿

春歸日

一作好

金宮樂事多後庭朝未入輕輦夜相遇

笑出花間語嬌來燭下歌莫教明月去留著醉姮娥

繡戶香風暖沙窗曙色新宮花爭笑日池草暗生春綠樹聞歌

烏青樓見舞人昭陽桃李月羅綺自

一作坐相親

今日明光裏還須結伴遊春風開紫殿天樂下珠樓豔舞全知

巧嬌歌半欲羞更憐花月夜宮女笑藏鉤

寒雪梅中盡春風柳上歸宮鶯嬌欲醉檐鶯語還飛遲日明歌

席新花豔舞衣晚來移綵仗行樂好光輝

水綠南薰殿花紅北闕樓鶯歌聞太液鳳吹遶瀛洲素女鳴珠

佩天人弄綵毬今朝風日好宜入未央遊

鼓吹入朝曲鼓吹曲辭

金陵控海浦綠水帶吳京鑿歌列騎吹颯沓引公卿搥鐘速嚴

妝伐鼓啟重城天子憑玉案劔履若雲行日出照萬戶簪裾爛

明星朝罷沐浴閑遊園風亭濟濟雙闕下歡娛樂恩榮

秦女休行古詞魏朝協律都尉左延年所作今擬之○雜曲歌辭按左延年辭言秦女休爲燕王婦爲宗

報讎殺人都市遇赦得免傳玄辭言龐娥爲父報讎殺人以烈義稱太白此辭擬左延年但左傳俱用長短句

太白但用五言爲小異耳

西門秦氏女秀色如瓊花手揮白楊刀清畫殺儼家羅袖灑赤
血英聲凌紫震直上西山去關吏相邀遮塔爲燕國王身被詔
獄加犯刑若履虎不畏落爪牙素頸未及斷摧眉伏泥沙金雞
忽放赦大辟得寬賒何慙攝政姊萬古共驚嗟

秦女卷衣

雜曲歌辭○樂府解題曰秦王卷衣言咸陽春
景及宮闈之美秦王卷衣以贈所權也唐李白

有秦女
卷衣

天子居未央妾來卷衣裳願無紫宮寵敢拂黃金牀水至亦不
去熊來尙可當微身捧日月飄若螢火光願君採葑菲無以下
體妨

東武吟

一作出金門後書懷謂別翰林諸公○相和歌辭
郭集錄者四家按東武吟傷時移事異榮華祖謝

一八

卷四

五古

詩白上

九

也

好古笑流俗素聞賢達風方希佐明主長揖辭成功白日在高
天回光燭微躬恭承鳳凰詔欵起雲蘿中清切紫霄迴優遊丹
禁通君王賜顏色聲價凌煙虹乘輿擁翠蓋扈從金城東寶馬
麗絕景錦衣入新豐倚巖望松雪對酒鳴絲桐因學揚子雲獻
賦甘泉宮天書美片善清芬播無窮歸來入咸陽談笑皆王公
一朝去金馬飄落成飛蓬賓友日疏散玉樽亦已空才力獨可
倚一作恃不慙世上雄閑作東武吟曲盡情未終書此謝知己吾
尋黃綺翁一作扁舟

邯鄲才人嫁爲斯養卒婦雜曲歌辭郭集錄者二家

妾本叢臺女揚娥入丹闕自倚顏如花甯知有凋歇一辭玉階
下去若朝雲沒每憶邯鄲城深宮夢秋月君王不可見惆悵至
明發

出自薊北門行

雜曲歌辭郭集錄者四家○樂府解題曰
出自薊北門行其大致與從軍行同而兼

言燕薊風物及
突騎勇悍之狀

虜陣橫北荒胡星曜精芒羽書速驚電烽火晝連光虎竹救邊
急戎車森已行明主不安席按劍心飛揚推轂出猛將連旗登
戰場兵威衝絕漠殺氣凌穹蒼列卒一作陣赤山下開營紫塞傍
孟冬風沙緊旌旗一作旆颯凋傷畫角悲海月征衣卷天霜揮刃
斬樓蘭彎弓射賢王單于一平蕩種落自奔亡收功報天子行

歌一作歸歸咸陽

洛陽陌

橫吹曲辭

白玉誰家郎回車渡天津看花東陌上驚動洛陽人

北上行

相和歌辭○樂府解題曰魏武帝苦寒行備言冰雪谿谷之苦其後或謂之北上行蓋因武帝辭而

擬之也

北上何所苦北上緣太行磴道盤且峻巉巖凌穹蒼馬足蹶側石車輪摧高岡沙塵接幽州烽火連朔方殺氣毒劒戟巖風裂衣裳奔鯨夾黃河鑿齒屯洛陽前行無歸日返顧思舊鄉慘戚冰雪裏悲號絕中腸尺布不掩體皮膚劇枯桑汲水澗谷阻採薪隴坂長猛虎又掉尾磨牙皓秋霜草木不可養飢飲零露漿

歎此北上苦停驂爲之傷何日王道平開顏覩天光

短歌

行相和歌辭郭集錄者十七家。魏武帝短歌行有身世多憂汲汲求賢之意各家多及時行樂之意

白日何短短百年苦易滿蒼穹浩茫茫劫太極長麻姑垂兩鬢一半已成霜天公見玉女大笑億千場吾欲攬六龍回車挂扶桑北斗酌美酒勸龍各一觴富貴非所願爲一作人駐顏一作

顏又作流光

空城雀

雜曲歌辭郭集錄者六家。按空城雀自鮑照以下皆有含辛茹苦守分安命之意

嗷嗷空城雀身計何戚促本與鷓鴣羣不隨鳳凰族提攜四黃口飲乳未嘗足食君糠粃餘常恐烏鳶逐恥涉太行險羞營覆車粟天命有定端守分絕所欲

發白馬

雜曲歌辭郭集錄者二家。郭云衛國曹邑有白馬津鄆生云守白馬之津是也發白馬謂征戍而

發兵於此也

將軍發白馬旌節渡黃河。簫鼓聒川嶽。滄溟湧濤。洪一作波。武安

有震瓦。易水無寒歌。鐵騎若雪山。飲流涸滹沱。揚兵獵月窟。轉

戰略。朔那倚劍登燕然。邊烽列嵯峨。蕭條萬里外。耕作五原多。

一掃清大漠。包虎馘金戈。

陌上桑

相和歌辭郭集錄者十家。郭注一曰豔歌羅敷

日出東南隅。南隅篇崔豹古今注曰陌上桑者出秦氏女子

秦氏邯鄲人有女名羅敷爲邑人千乘王仁妻王仁後

爲趙王家令羅敷出採桑於陌上趙王登臺見而悅之

因置酒欲奪焉羅敷巧彈箏乃作陌上桑之歌以自明

趙王乃止樂府解題曰古辭言羅敷採桑爲使君所邀

盛誇其夫爲侍中郎以拒之與前說不同若陸機扶桑

升朝辭但歌美人好合與古詞始
同而本異又有探桑曲亦出於此

美女

潤橋

一作美衣又作遊女

春還

又作事蠶作五馬飛如花作

如花飛又
作如飛龍

青絲結金絡

不知誰家子
調笑來相謔
妾本秦羅敷

玉顏豔名都
綠條映素手
採桑向城隅
使君且不顧
况復論秋
胡塞蠻愛碧
草鳴鳳棲青
梧託心自有
處但怪旁人
愚徒令白日
暮高駕空踟
躕

枯魚過河泣

雜曲歌辭郭集錄古辭一首
太白一首皆以慎出入珍誠

白龍常改服
偶被豫且制
誰使爾爲魚
徒爲訴天帝
作書報鯨
鯢勿恃風濤
勢濤落歸泥
沙翻遭螻蟻
噬萬乘慎出
入柏人以

爲誠

一作識按柏人用
漢高祖過趙事

丁都護

一作督護

宋書

樂志曰

督護歌者

三家

一曰阿督護

歌

為魯執所殺

宋高祖使府內直督護丁昨收斂殯埋之

遠之妻高祖長女也呼昨至閣下自問殮送之事每問輒歎息曰丁督護晉宋閒曲也今歌是宋武帝所製云

書樂志曰丁督護晉宋閒曲也今歌是宋武帝所製云

雲陽上征去

兩岸饒商賈

吳牛喘月時

拖船一何苦

水濁不可

飲壺漿

半成土

一唱都護歌

心摧淚如雨

萬人繫盤石

無由達

江滸君看石芒碭

掩淚悲千古

相逢行二首

一云有贈

相和歌辭

郭集錄者六家

一曰

長安有狹斜行

樂府解

題曰古詞文意與雞鳴曲同晉陸機長安狹斜行云伊

洛有歧路歧路交朱輪則言世路險狹邪僻正直之士

無所措手足矣唐李賀

有難忘曲亦出於此

朝騎五花馬

謁帝出銀臺

秀色誰家子

雲車

一作

珠箔

開金鞭

遙指點玉勒近遲回夾轂相借問疑

知一作

從天上來

一本更添

翻斜日復相催下車

遊入青綺門

當歌共

銜杯

一作嬌羞初解

何慳盈飄然似落梅

共銜杯

一作嬌羞初解

銜杯映歌扇似月雲中見

相見不得

一作親不如不相見相見

情已深未語可知心胡爲守空閨孤眠愁錦衾

與羅帷纏

結一作春風正糾

烏更報長相思光景不待人須與髮成絲

結青鳥來何遲

傷悲持此道密意無令曠佳期

相逢紅塵內高揖黃金鞭萬戶垂楊裏君家阿那邊

千里思

一作千里曲○雜曲

李陵沒胡沙蘇武還漢家迢迢五原關朔雪亂邊花

一作愁見

李陵沒胡沙

蘇武還漢家

迢迢五原關

朔雪亂邊花

一作愁見

一去隔絕國思歸但長嗟鴻雁向西北因

一作飛

書報天涯

樹中草

雜曲歌辭郭集錄者三家

鳥銜野田草誤入枯桑裏客土植危根逢春猶不死草木雖無情因依尙可生如何同枝葉各自有枯榮

君馬黃

鼓吹曲辭郭集錄者三家

君馬黃我馬白馬色雖不同人心本無隔共作遊冶盤雙行洛陽陌長劍旣照曜高冠何艷赫各有千金裘俱爲五侯客猛虎落陷穽壯夫時屈厄相知在急難獨好亦一作知何益

擬古

融融白玉輝映我青蛾眉寶鏡似空水落花如風吹出門望同

子蕩漾不可期安得黃鶴羽一報佳人知

折楊柳

橫吹曲辭郭集錄者二十三家○唐書樂志曰梁

吹橫笛愁殺行客兒此歌辭元出北國卽鼓角橫吹曲折楊柳是也宋書五行志曰晉太康末京洛爲折楊柳之歌其曲有兵革苦辛之辭按古樂府又有小折楊柳相和大曲有折楊柳行清商四曲有月節折楊柳歌十

三曲與此不同

垂楊

一作楊柳拂綠水搖豔一作高東風年花明玉關雪葉暖金窗煙

美人結長想對此心悽然攀條折春色遠寄龍庭前一作龍

鳳凰曲

清商曲辭

羸女吹玉簫吟弄天上春青鸞不獨去更有攜手人影滅彩雲

斷遺聲落西秦

少年子

雜曲歌辭郭集錄者四家

青雲少年子挾彈章臺左
鞍馬四邊開突如流星過
金丸落飛

烏夜入瓊樓臥夷齊是何人
獨守西山餓

紫驪馬

橫吹曲辭郭集錄者十四家○按郭集以紫驪馬爲從軍久戍懷歸而作此詩末二句反之語愈沈

痛

紫驪行

一作驪且嘶雙翻碧玉蹏
臨流不肯渡似惜錦障泥
白雪

關山

一作城

遠黃雲海戍迷揮鞭萬里去
安何一作得念一作春闈

少年行

雜曲歌辭

擊筑飲美酒劒歌易水湄
經過燕太子結託并州兒
少年負壯氣奮烈自有時
因聲魯句踐爭情一作勿相欺

豫章行

相和歌辭郭集錄者九家。按豫章行陸機詩

於人終以華落見棄太

白此作則似從軍之詞

胡風吹代馬

一作燕人

北擁魯陽關吳兵照海雪西討何時還

半渡上遼津黃雲慘無顏

老母與子別呼天野草閒白馬一作

繞旌旗悲鳴相追攀白楊秋月苦早落豫章山本爲休明人斬

虜素不閑豈惜戰鬪死爲君埽兇頑精感石沒羽豈云憚險艱

樓船若鯨飛波蕩落星灣此曲不可奏三軍鬢成班

沐浴子

雜曲歌辭郭集錄者二家

沐芳莫彈冠浴蘭莫振衣處世忌太潔至人貴藏暉滄浪有釣

與吾與爾同歸

高句

雜曲
歌辭

金花折風帽白馬小遲回翩翩舞廣袖似鳥海東來

靜夜思

新樂府辭

牀前看月光疑是地上霜舉頭望山月低頭思故鄉

淶水曲

琴曲
歌辭

淶水明秋日南湖採白蘋荷花嬌欲語愁殺蕩舟人

鳳臺曲

清商曲辭郭
集錄者二家

嘗聞秦帝女傳得鳳皇聲是日逢仙子當時別有情人吹彩籥

去天借綠雲迎心一作在身不返空餘弄玉名

從軍行

相和歌辭郭集錄者十
九家○附七言一首

從軍玉門道，逐虜金微山。
笛奏梅花曲，刀開明月環。
鼓聲鳴海，上兵氣擁雲。
聞斬單于首，長驅靜鐵關。
百戰沙場碎，鐵衣城南已合圍。
突營射殺呼延將，獨領殘兵千騎歸。

秋思二首

琴曲歌辭

春陽如昨日，碧樹鳴黃鸝。
蕪然蕙草暮，颯爾涼風吹。
天秋木葉下，月冷莎雞悲。
坐愁羣芳歇，白露凋華滋。

關氏黃葉落，妾望白登臺。

一作月出

碧雲斷單于

一作蟬聲

秋色來

胡兵沙塞合，漢使玉關回。
征客無歸日，空悲蕙草摧。

春思

燕草如碧絲，秦桑低綠枝。當君懷歸日，是妾斷腸時。春風不相識，何事入羅幃。

子夜吳歌

四首 浦商曲辭

秦地羅敷女，採桑綠水邊。素手青條上，紅妝白日鮮。蠶飢妾欲去，五馬莫留連。

鏡湖三百里，菡萏發荷花。五月西施採，人看隘若耶。回舟不待

月歸去，越王家。

夏

長安一片月，萬戶擣衣聲。秋風吹不盡，總是玉關情。何日平胡

虜，良人罷遠征。

秋

明朝驛使發，一夜絮征袍。素手抽鍼冷，那堪把剪刀。裁縫寄遠

道後日到臨洮

冬

對酒二首

相和歌辭郭集錄者八家。○按魏武帝賦對酒其旨言王者德澤廣被政理民和萬物咸遂范

雲以下則言但當及時爲樂

松子棲金華。安期入蓬海。此人古之仙。羽化竟何在。浮生速流電。倏忽變光彩。天地無凋換。容顏有遷改。對酒不肯飲。含情欲誰待。

勸君莫拒杯。春風笑人來。桃李如舊識。傾花向我開。流鶯啼碧樹。明月窺金罍。昨來朱顏子。今日白髮催。棘生石虎殿。鹿走姑蘇臺。自古帝王宅。城闕閉黃埃。君若不飲酒。昔人安在哉。

估客樂

清商曲辭

海客乘天風將船遠行役譬如雲中鳥一去無蹤跡

去婦詞

古來有棄婦棄婦有歸處今日妾辭君辭君遣何去
本家零落盡慟哭來時路憶昔未嫁君卻周旋綺羅錦繡段有贈黃

金千十五許嫁君二十移所天自從

按自從二字疑衍通首皆五言不應著此一七字句

結髮日未幾離君緬山川家家盡歡喜孤妾長自憐幽閨多怨思
盛色無十年相思苦循環枕席生流泉流泉咽不埽獨夢關山道
及此見君歸君歸妾已老物華惡衰賤新寵方妍好掩淚出故房
傷心劇秋草自妾爲君妻君東妾在西羅帷到曉恨玉貌一生嘯
自從離別久不覺塵埃厚常嫌玳瑁孤猶羨鴛鴦偶

歲華逐霜霰。賤妾何能久。寒沼落芙蓉。秋風散楊柳。以此顛顛。
顏空持舊物。還餘生欲何。寄誰肯相牽。攀君恩既斷。絕相見何。
年月悔傾連。理杯虛作同心結。女蘿附青松。貴欲相依投。浮萍
失綠水。教作若爲流。不歎君棄妾。妾自歎妾緣業。憶昔初嫁君。小
姑纔倚牀。今日妾辭君。小姑如妾長。回頭語小姑。莫嫁如兄夫。
按此顧況棄婦詞也。後人竄入太白集中。

長歌行

相和歌辭。郭集錄者十家。○按長歌行。人當努力爲樂。無至老大。乃傷悲也。

桃李得日開。榮華照當年。東風動百物。草木盡欲言。枯枝無醜
葉。涸水吐清泉。大力運天地。羲和無停鞭。功名不早著。竹帛將
何宣。桃李務青春。誰能黃白日。富貴與神仙。蹉跎成兩失。金石

猶銷鑠風霜無久質畏落日月後強歡歌與酒秋霜不惜人倏

忽侵蒲柳

已上樂府

南都行

以下歌吟

南都信佳麗武闕橫西關白水真人居萬商羅鄜關高樓對紫陌甲第連青山此地多英豪邈然不可攀陶朱與五穀名播天壤間麗華秀玉色漢女嬌朱顏清歌遏流雲豔舞有餘閑遊遊盛宛洛冠蓋隨風還走馬紅陽城呼鷹白河灣誰識臥龍客長吟愁鬢班

玉真仙人詞

玉真之真

一作仙

人時往

一作西上

太華峯清晨鳴天鼓颯歛騰雙龍

弄電不輟手行雲本無蹤幾時入少室王母應相逢

清溪行

宣城一作
宣州清溪

清溪清我心水色異諸水借問新安江見底何如此人行明鏡
中鳥度屏風裏向晚猩猩嘯空悲遠遊子

歷陽壯士勤將軍名思齊歌

並序

歷陽壯士勤將軍神力出於百夫則天太后召見奇之
授遊擊將軍賜錦袍玉帶朝野榮之後拜橫南將軍大
臣慕義結十友卽燕公張說館陶公郭元振爲首余壯
之遂作詩

太古歷陽郡化爲洪川在江山猶鬱盤龍虎祕光彩蓄洩數千

載風雲何滃鬱特生勤將軍神力百夫倍

古意

君爲女蘿草妾作兔絲花輕條不自引爲逐春風斜百丈託遠
松纏縣成一家誰言會面易各在青山崖女蘿發馨香兔絲斷
人腸枝枝相糾結葉葉竟飄揚生子不知根因誰共芬芳中巢
雙翡翠上宿紫鴛鴦君識二草心海潮亦可量已上歌吟

贈從兄襄陽少府皓

一作皓○以下投贈

結髮未識事所交盡豪雄卻秦不受賞擊晉一作救趙甯爲功託身
白刃裏殺人紅塵中當朝揖高義舉止欽英風小節豈足言退
耕春陵東歸來無產業生事如轉蓬一朝狐一作烏裘敝百鎰黃

金空彈劍徒激昂出門悲路窮吾兄青雲士然諾聞諸公所以
陳片言片言貴情通棣華儻不接甘與秋草同

贈張公洲革處士

列子居鄭圃不將眾庶分革侯遁南浦常恐楚人聞抱甕灌秋
蔬心閑遊天雲每將瓜田叟耕種漢水濱一作時登張公洲入
獸不亂羣井無桔槔事門絕刺繡文長揖二千石遠辭百里君
斯爲真隱者吾黨慕清芬

淮海對雪贈傅霽

一作淮南對雪贈孟浩然

朔雪落吳

一作湖

天從風渡溟渤海樹

一作木

成陽春江沙皓明月

飄飄四荒外想像千花發
瑤草生階墀玉塵散庭闕
興從剡溪

起思繞梁山發寄君郢中歌曲罷心斷絕

一云剡溪興空在郢路歌未歇寄君梁父

吟曲盡心斷絕

贈徐安宜

白田見楚老歌詠徐安宜製錦不擇地操刀良在茲清風動百里惠化聞京師
浮人若雲歸耕種滿郊歧川光淨麥隴日色明桑枝訟息但長嘯
賓來或解頤青槐拂戶牖白一作碧水流園池遊子滯安邑懷恩未忍辭
繫君樹桃李歲晚託深期浮人猶流人也遊子

太白自謂也

贈任城盧主簿潛

魯中

海鳥知天風竄身魯門東臨觴不能飲矯翼思凌空鐘鼓不爲

樂煙霜誰與同歸飛未忍去流淚謝鴛鴻

海鳥太白以自喻也

早秋贈裴十七仲堪

遠海動風色吹愁

一作秋

落天涯南星變大火熱氣餘丹霞光景

不可迴六龍轉天車荆人泣美玉魯叟悲匏瓜功業若夢裏

中撫一作推

琴發長嗟

以上十句太

裴生信

一作實英邁崛起多才

華歷抵海岱豪結交魯朱家

一作歷遊趙魏

良圖竟未展意欲

飛丹砂破產且救人遺身不爲家復攜兩少女

一作妾

豔色驚荷

花雙譟入青雲但惜白日斜窮

一作滄

溟出寶貝大澤饒龍蛇明

主儻

一作必

見收煙霄路非賒知飛萬里道勿使歲寒差

一作時命若有

會歸應

鍊丹砂

卷之五

五古

李白止

毛

贈范金鄉二首

君子枉清眄不知東走迷。離家未幾月絡緯鳴中閨。桃李君不言攀花願成蹊。那能吐芳信惠好相招攜。我有結綠珍久藏濁水泥。時人棄此物乃與燕珉一作石齊。拂拭欲贈之申眉路無梯。遼東慙白豕楚客羞山雞。徒有獻芹心終流泣玉一作血。啼祇應自索漠留舌示山妻。

范宰不買名絃歌對前楹爲邦默自化日覺冰壺清百里雞犬靜千廬機杼鳴浮人少蕩析愛客多逢迎遊子覩嘉政因之聽頌聲前一首自述次首頌范觀任清明相招攜等句似范有書邀太白東遊也桃李二句謂縱無書信人猶願攀附而來那能二句言况復有書相招也

贈琅琊王少府

皎皎鸞鳳姿飄飄神仙氣梅生亦何事來作南昌尉清風佐鳴

琴寂寞道爲貴

一作爲

一見過所聞操持難與羣毫揮魯邑訟

目送瀛洲雲我隱屠釣下爾當玉石分無由接高論空此仰清

芬

贈丹陽橫山周處士惟長

周子橫山隱開門臨城隅連峯入戶牖勝概凌方壺時枉白紵
詞放歌丹陽湖水色傲溟渤川光秀菰蒲當其得意時心與天
壤俱閑雲隨舒卷安識身有無抱石恥獻玉沈泉笑探珠羽化
如可作相攜上清都

一作攜手
止清都

玉真公主別館苦雨贈衛尉張卿二首

長安

愁坐金張館，繁陰晝不開。
空煙送雨色，蕭颯望中來。
翳翳昏墊苦，沈沈憂恨催。
清秋何以慰，白酒盈吾杯。
吟詠思管樂，此人已成灰。
獨酌聊自勉，誰貴經綸才。
彈劍謝公子，無魚良可哀。

苦雨思白日，浮雲何由卷。
稷離和天人，陰陽仍驕蹇。
秋霖劇倒井，昏霧橫絕巘。
欲往咫尺塗，遂成山川限。
淥淥奔澗瀉，浩浩驚波轉。
泥沙塞中途，牛馬不可辨。
飢從漂母食，閑綴羽林簡。

一作簡

曝盜書於羽陵
出穆天子傳
園家逢秋蔬，藜藿不滿眼。
蠨蛸結思幽，蟋蟀傷
褊淺廚竈無青煙。
刀机生綠蘚，投筋解鴈鶩。
換酒醉北堂，丹徒
布衣者慷慨，未可量。
何時黃金盤，一斛薦檳榔。
功成拂衣去，搖

喬滄洲旁

前路備陳苦雨愁寂之狀末
入句自露英雄振奮之概

贈韋祕書子春

谷口鄭子真躬耕在巖石高名動京師天下皆藉藉其人竟不
起雲臥從所適苟無濟世心獨善亦何益惟君家世者偃息逢
休明談天信浩蕩說劍紛縱橫謝公不徒然起來爲蒼生祕書
何寂寂無乃羈豪英且復歸碧山安能戀金闕舊宅樵漁地蓬
蒿已應沒卻顧女兒峯女兒山在河南府宜陽縣韋祕書
此時當豐歸山中行將復出也胡顏
見雲月徒爲風塵苦一官已白髮氣同萬里合訪我來瓊都披
雲覩青天捫蝨話良圖留侯將綺季出處未云殊終與安社稷
功成立五湖首入句論賢者宜濟世不宜高隱惟君入句言韋
門地甚盛不宜久於祕書且復入句敘韋還歸山

中末八句敘
兩人交誼

贈韋侍御黃裳二首

太華生長松亭亭。凌霜雪天與百尺高。豈爲微颺折桃李。賣搖
豔路人行且迷。春光掃地盡碧葉。成黃泥。願君學長松。慎勿作
桃李。受屈不改心。然後知君子。

見君乘驄馬。知上太山道。此地果摧輪。全身以爲寶。我如豐年
玉。棄置秋田草。但勗冰壺心。無爲歎衰老。

贈薛校書

我有吳趨曲。無人知此音。姑蘇成蔓草。麋鹿空悲吟。未誇觀濤
作。空鬱釣鼇心。舉手謝東海。虛行歸故林。

贈何七判官昌浩

有時忽惆悵。匡坐至夜分。平明空嘯咤。思欲解世紛。心隨長風去。吹散萬里雲。羞作濟南生。九十誦古文。不然拂劍起。沙漠收奇勳。老死田陌間。何因揚清芬。夫子今管樂。英才冠三軍。終與同出處。豈將沮溺羣。

五字句中山跌宕乃翻

讀諸葛武侯傳書懷贈長安崔少府叔封昆季

漢道昔云季。羣雄方戰爭。霸圖各未立。割據資豪英。赤伏起頽運。臥龍得孔明。當其南陽時。隴畝躬自耕。魚水三顧合。風雲四海生。武侯立岷蜀。壯士吞咸京。何人先見許。但有崔州平。余亦草閒人。一作士頗懷拯物情。晚途值子玉。華髮同衰榮。託意在經

濟結交爲弟兄無令管與鮑千載獨知名

用崔州平影入少府
鍼線痕跡宛爾可尋

贈崔侍御

黃河三尺鯁本在孟津居點額不成龍歸來伴

一作

凡魚故人

東海客一見借吹噓風濤儻相因更欲凌崑墟何當赤草使再

往召相如

楊齊賢本無末二句似以無之爲
是如有此二句赤草使必有誤字

贈參寥子

白鶴飛天書南荆訪高士五雲在峴山果得參寥子骯髒辭故
園昂藏入君門天子分玉帛百官接話言毫墨時灑落探元有
奇作著論窮天人千春祕麟閣長揖不受官拂衣歸林巒余亦
去金馬藤蘿同所歡相思在何處桂樹青雲端

贈饒陽張司務璩

太原

朝飲蒼梧泉夕棲碧海煙甯知鸞鳳意遠託椅桐前慕蘭豈曩
古攀嵇是當年愧非黃石老安識子房賢功業嗟落日容華棄
徂川一語已道意三山期著鞭蹉跎人間世寥落壺中天獨見
遊物祖探元窮化先何當共攜手相與排冥一作筌

贈清漳明府姪

我李百萬葉柯條布中州天開青雲器日爲蒼生憂小邑且割
雞大刀伫烹牛雷聲動四境惠與清漳流絃歌詠唐堯脫落隱
簪組心和得天眞風俗由一作獨太古牛羊散阡陌夜寢不扃戶
問此何以然賢人宰吾土舉邑樹桃李垂陰亦流芬河堤繞綠

水桑柘連青雲。趙女不治容。提籠晝成羣。綵絲鳴機杼。百里聲相聞。訟息鳥下階。高臥披道帙。蒲鞭挂檐枝。示恥無撲扶。琴清月當戶。人寂風入室。長嘯無一言。陶然上皇逸。白玉壺。冰水壺中見。底清光洞毫髮。皎潔照羣情。趙北美佳政。燕南播高名。過客覽行謠。因之頌德聲。一作得頌聲

贈臨洺縣令皓弟

時被訟停官

陶令去彭澤。茫然元古心。大音自成曲。但奏無弦琴。釣水路非遙。連黿意何深。終期龍伯國。與余相招尋。

鄴中贈王大勸入高鳳石門山幽居

一身竟無託。遠與孤蓬征。千里失所依。復將落葉并。中途偶良

別問我將何行欲獻濟時策此心誰見明君王制六合塞無
交兵壯士伏草間沈憂亂縱橫飄飄不得意昨發南都城紫鷲
攄上嘶青萍匣中鳴投軀寄天下長嘯尋豪英恥學琅邪人龍
蟠事躬耕富貴吾自取建功及春榮我願執爾手爾當達我情
相知同一己豈唯弟與兄抱子弄白雲琴歌發清聲臨別意難
盡各希存令名

贈廬徵君昆弟

廬名鴻
字顯然

明主訪賢逸雲泉今已空二廬竟不起萬乘高其風河上喜相
得壺中趣每同滄洲卽此地觀化遊無窮木落海水清鼇背覩
方蓬與君弄倒影攜手凌星虹

贈新平

一作豐

少年

韓信在淮陰少年相欺凌屈體若無骨壯心有所憑一遭龍顏

君嘯咤從此興千金答漂母萬古共嗟稱而我竟胡

一作何爲寒

苦坐相仍長風入短袂內

一作兩

手如懷冰故友不相恤新交甯

見矜摧殘檻中虎羈紲鞫上鷹何時騰風雲搏擊申所能

搏擊申所能

能亦有李廣斬霸陵尉之意太白千古英豪度壘亦殊不廣

贈崔侍御

長劍一杯酒男兒方寸心洛陽因劇孟託一作訪宿話胸襟但仰

山嶽秀不知江海深長安復攜手再顧重千金君乃輶軒佐余

叨翰墨林高風摧秀木驚彈落虛禽不取回舟興而來命駕尋

扶搖應借便一作桃李願成陰
笑吐張儀舌愁爲莊鳥吟
誰憐明月夜腸斷聽秋砧

贈嵩山焦鍊師並序洛陽

嵩邱有神人焦鍊師者不知何許婦人也又云生於齊梁時其年貌可稱五六十常胎息絕穀居少室廬遊行若飛倏忽萬里世或傳其入東海登蓬萊竟不能測其往也余訪道少室盡登三十六峯聞風有寄灑翰遙贈

二室凌

倚一作

青天三花含

明一作

紫綠一作

煙中有蓬海客宛疑麻

姑仙道在喧莫染跡高想已縣時餐金鷲藥

一作金

屢讀青苔

篇八極恣遊憩九垓長周旋下瓢酌潁水舞鶴來伊川還歸空

山上獨拂秋霞眠。蘿月挂朝鏡。松風鳴夜絃。潛光隱嵩嶽。鍊魄
棲雲幄。霓衣何飄飄。一作鳳吹轉縣邈。願同西王母。下顧
東方朔。紫書儻可傳。一作骨誓相學

秋日鍊藥院鑷白髮贈元六兄林宗

木落識歲秋。瓶水知天寒。桂枝日已綠。拂雪凌雲端。弱齡接光
景。矯翼攀鴻鸞。投分三十載。榮枯同所懽。長吁望青雲。鑷白坐
相看。秋顏入曉鏡。壯髮凋危冠。窮與鮑生賈。飢從漂母餐。時來
極天人。道在豈吟歎。樂毅方適趙。蘇秦初說韓。卷舒固在我。何
事空摧殘。

書情贈蔡舍人雄

梁宋

篇高謝太傅

一作書開謝安有

攜妓東山門楚舞醉碧雲吳歌斷青猿

蹙因蒼生起談笑定黎元余亦愛此人丹霄冀飛翻遭逢聖明

主敢進興亡言娥眉積讒妬魚目嗤璵璠白璧竟何辜

一作本無瑕

青蠅遂成冤一朝去京國十載客梁園猛犬吠九關殺人憤精

魂皇穹雪天枉白日開氣昏秦階得夔龍桃李滿中原倒海索

明月凌山採芳蓀愧無橫草功虛負雨露恩跡謝雲臺閣心隨

天馬轅夫子王佐才而今復誰論

論疑當作倫

曾飈振六翮不日思

騰竊我縱五湖棹煙濤恣崩奔夢釣子陵湍英風緬猶存徒希

客星隱弱植不足援千里一迴首萬里一長歌黃鶴不復來清

風愁奈何舟浮瀟湘月

一作江橫羅剎石

山倒洞庭波投汨笑古人臨

濠得天和閑時田畝中搔背牧雞鷺別離解相訪應在武陵多
首入句自敘夙有用世之志遭逢十句敘被讒去國皇穹十句敘讒謗得雪再被恩寵夫子四句頌蔡將得志乘時我縱句至末自述邈然

高蹈之志

憶襄陽舊遊贈濟陰馬少府巨

昔爲大堤客會上山公樓開窗碧嶂滿拂鏡滄江流高冠佩雄
劍長揖韓荆州此地別夫子今來思舊遊朱顏君未老白髮我
先秋壯志恐蹉跎功名若雲浮

一作有意未得言懷賢若沈憂歸心結遠夢落

日懸春愁空思羊叔子墮淚峴山頭

一作何時共攜手更醉峴山頭

訪道安陵遇蓋寰爲予造真錄臨別畱贈

清水見白石仙人識青童安陵蓋夫子十歲與天通懸河與微

言談論安可窮能令二千石撫背驚神聰
揮毫贈新詩高價掩
山東至今平原客感激慕清風學道北海仙傳書藥珠宮丹田
了玉闕白日思雲空爲我草真錄天人慙妙工七元洞豁落八
角輝星虹三災蕩璇璣蛟龍翼微躬舉手謝天地虛無齊始終
黃金獻高堂答荷難克充下笑世上士沈魂北羅艷昔日萬乘
墳今成一科蓬贈言若可重寶此輕華嵩

贈郎中崔宗之

金陵

胡鷹

一作雁

拂海翼翔翔鳴素秋驚雲辭沙朔飄蕩迷河洲

一作胡鷹

度日邊兩龍天地秋哀
鳴沙塞寒風雪迷河洲

一作乃如飛蓬人去逐一一作去萬里遊登

高望浮雲鬢如舊邱日從海旁沒水向天邊流長嘯倚孤劔

目極心悠悠。歲晏歸去來。富貴安所求。仲尼七十說。歷聘莫見收。魯運逃千金。珪組豈可一作不足酬。時哉苟不會。草木爲我儔。希君同攜手。長往南山幽。

贈崔諮議

驟驥本天馬。素非伏櫪駒。長嘶向一作起清風。倏忽凌九區。何言

西北至。卻是東南隅。世道有翻覆。前期一作程途難預圖。希君一

一作前翫拂一作拂便。猶可盼中衢。

贈別從甥高五

魚目高太山。不如一璵璠。賢甥卽明月。聲價動天門。能成吾宅相。不減魏陽元。自顧寡籌略。功名安所存。五木思一擲。如繩繫

窮後慙中駿馬空堂上醉人噴黃金久已罄爲報故交恩聞君
隴西行使我驚心魂與爾共飄飄雪天各飛翻江水流或卷此
心難具論貧家羞好客語拙覺辭繁三朝空錯莫對飯卻慙冤
自笑我非夫生事多契闊蓄積萬古憤向誰得開豁天地一浮
雲此身乃毫末忽見無端倪太虛可苞括去去何足道臨歧空
復愁肝膽不楚越山河亦衮疇雲龍若相從明主會見收成功
解相訪溪水桃花流三朝謂歲朝月朝日朝卽正月元旦也見漢書谷永傳觀貧家羞好客六句蓋高五
至公家辭別而公愧款接不能豐腆耳

贈裴司馬

翡翠黃金縷繡成歌舞衣若無雲間月誰可比光輝秀色一如

此多為眾女譏君恩移昔愛失寵秋風歸愁苦不窺鄰泣上流
黃機天寒素手冷夜長燭復微十日不滿匹鬢蓬亂若絲猶是
可憐人容華世中稀向君發皓齒願我莫相違通首皆用比體
愁苦不窺鄰於

敘舊贈江陽宰陸調

太伯讓天下仲雍揚波濤清風蕩萬古跡與星辰高開吳食東
溟陸氏世英髦多君秉古節嶽立冠人曹風流少年時京洛事
遊遨腰間延陵劍玉帶明珠袍我昔鬪雞徒連延武陵豪邀遮
相組織呵嚇來煎熬君開萬叢人鞍馬皆關易告急清憲臺脫
余北門厄閒宰江陽邑藹棘樹蘭芳一本自陸氏世英髦以下
云夫子時峻季岳立冠人

曹風流少年時京洛事遊遨驂騎紅陽玉劍明珠砲一諾許
他人千金雙虎挾難徒連延五陵豪邀遮來組織呵嚇相煎熬君
一枝蒿、虎挾難徒連延五陵豪邀遮來組織呵嚇相煎熬君
披萬人叢脫我如飽半此恥竟未刷且食緩山挑非天兩文章
所祖記風騷蒼蓬老壯髮長策未逢遭別君幾何時君無相思
否鳴琴坐高樓綠水淨窗牖政城間雅頌人吏皆拱手投刃有
餘地迴車攝江陽錯雜非易城門何肅穆五月飛秋霜好鳥集
理先威挫豪強下與此同

珍木高才列華堂時從府中歸絲管儼成行但苦隔遠道無由
共銜觴江北荷花開江南楊梅熟正好飲酒時懷賢在心目挂
席候海色當風下長川多酌新豐醪滿載剡溪船中途不遇人
直到爾門前大笑同一醉取樂平生年

贈從孫義興宰銘

亞相李公重之以能政
中丞李公免罷以移官

天子思茂宰天枝得英才朗然清秋月獨出映吳臺落筆生綺

繡操刀振風雷。蛟屈雖百里，鵬鷲望三台。退食無外事，琴堂向
山開。綠水寂以閑，白雲有時來。河陽富奇藻，彭澤縱名杯。所恨
不見之，猶如仰昭回。元惡昔滔天，疲人散幽草。驚川無恬鱗，舉
邑罕遺老。誓雪會稽恥，將奔宛陵道。亞相素所重，投刃應桑林。
獨坐傷激揚，神融一開襟。絃歌欣再理，和樂醉人心。蠹政除害
馬，傾巢有歸禽。壺漿候君來，聚舞共謳吟。農夫棄蓑笠，蠶女墮
纓簪。歡笑相拜賀，則知惠愛深。歷職吾所聞，稱賞爾爲最。化洽
一邦上，名馳三江外。峻節冠雲霄，通方堪遠大。能文變風俗，好
客留軒蓋。他日一來遊，因之嚴光瀨。

元惡謂安史之亂，疲人卽
疲民也。因避諱而作人應。

桑林，用莊子庖丁解牛合於桑林之舞。
事謂李銘與亞相投契如響斯應也。

草創大還贈柳官迪

天地爲橐籥周流行太易造化合元符交構騰精魄自然成妙
用熟知其指的羅絡四季圖縣微一無隙日月更出沒雙光豈
云隻姤女乘河車黃金充轆轤執樞相管轄摧伏傷羽翮朱鳥
張炎威白虎守本宅相煎成苦老消鑠凝津液髣髴明窗塵死
灰同至寂鑄冶入赤色十二周律慙赫然稱大還與道本無隔
白日可撫弄清都在咫尺北艷落死名南斗上生籍抑予是何
者身在方士格才術信縱橫世途自輕擲吾求仙棄俗君曉損
勝益不向金闕遊思爲玉皇客鸞車速風電龍騎無鞭策一舉
上九天相攜同所適

贈崔司戶文昆季

雙珠出海底。俱是連城珍。明月兩特達。餘輝照傍人。英聲振名都。高價動殊鄰。豈伊箕山故。特以風期親。惟昔不自媒。以下自述擔簦西入秦。攀龍九天上。別忝歲星臣。布衣侍丹墀。密勿草絲綸。才微惠渥重。讒巧生緇磷。一去已十年。今來復盈旬。清霜入曉鬢。白露生衣巾。側見綠水亭。謂崔開門列華茵。千金散義士。四座無凡賓。欲折月中桂。指崔持爲寒者薪。謂自路傍已竊笑。天路將何因。垂恩儻邱山。報德有微身。

贈溧陽宋少府陟

李斯未相秦。且逐東門兔。宋玉事襄王。能爲高唐賦。常聞滌水

世忽此相逢，遇掃灑青天，開豁然披雲霧。葳蕤紫鸞鳥巢在崑山樹，驚風西北吹飛落南溟去。早懷經濟策，特受龍顏顧。白玉樓青蠅，君臣忽行路。人生感分義，貴欲呈丹素。何日清中原，相期廓天步。首四句以李宋二姓引入嘗聞四句喜相見而披豁敘遭讒失志未四句敘投分之意

戲贈鄭溧陽

陶令日日醉，不知五柳春。素琴本無絃，漉酒用葛巾。清風北窗下，自謂羲皇人。何時到溧一作栗里，一見平生親。

贈僧崖公

昔在朗陵東，學禪白眉空。大地了鏡徹，迴旋寄輪風。攬披造化

力持爲我神通晚謁太山君親見日沒雲中夜臥山月一作夜臥雪上

月拂衣逃人羣授余金仙道曠劫未始聞冥機發天光獨朗謝

垢氛虛舟不繫物觀化遊江濱江濱遇同聲道崖乃僧英說法

動海嶽遊方化公卿手秉玉麈尾如登白樓亭微言注百川

壘信可聽一風鼓羣有萬籟各自鳴啟開七窗牖託宿學雷霆

自云歷天台搥壁攝翠屏凌兢石橋去恍惚入青冥昔往今來

歸絕景無不經何日更攜手乘杯向蓬瀛

遊溧陽北湖亭望瓦屋山懷古贈同旅

一作贈孟浩然

朝登北湖亭遙望瓦屋山天清白露下始覺一作秋風還遊子

託主人仰觀眉睫間日一作色送飛鴻邈然不可攀長吁相勸

勉何事來吳關。聞有貞義女。振窮漂水灣。清光了在眼。白日如披顏。高墳六七墩。萃兀棲猛虎。遺跡躡九泉。芳名動千古。子胥昔乞食。此女傾壺漿。運開展宿憤。入楚鞭平王。凜冽天地間。聞名若懷霜。壯夫或未達。十步九太行。與君拂衣去。萬里同翱翔。

贈秋浦柳少府

秋浦舊蕭索。公庭人吏稀。因君樹桃李。此地忽芳菲。搖筆望白雲。開簾當翠微。時來引山月。縱酒酣清輝。而我愛夫子。淹留未忍歸。

宿清溪主人

夜到清溪宿。主人碧巖裏。檐楹挂星斗。枕席響風水。月落西山。

時啾啾夜猿起

贈王判官時余歸隱居廬山屏風疊

尋陽

昔別黃鶴樓。蹉跎淮海秋。俱飄零落葉。各散洞庭流。中年不相見。蹭蹬遊吳越。何處我思君。天台綠蘿月。會稽風月好。卻遶剡溪迴。雲山海上出。人物鏡中來。一度浙江北。十年醉楚臺。荆門倒屈宋。梁苑傾鄒枚。苦笑我誇誕。知音安在哉。大盜割鴻溝。如風掃秋葉。吾非濟代人。且隱屏風疊。中夜天中望。憶君思見君。明朝拂衣去。永與海鷗羣。

在水軍宴贈幕府諸侍御

永王軍中

月化五白

一作

龍翻飛凌九天胡沙

驚北海。電掃洛陽川。虜箭

雨宮闕皇興成播遷英王受廟略英王卽永王璿也乘鉞濟南邊雲旗

卷海雪金戟羅江煙聚散百萬人弛張在一賢霜臺降羣彥水國奉戎旃繡服開宴語天人借樓船如登黃金臺遙謁紫霞仙卷身編蓬下冥機四十年甯知草間人腰下有龍泉浮雲在一流誓欲清幽燕願與四座公靜談金匱篇齊心戴朝恩不惜微軀捐所冀旄頭滅功成追魯連

贈武十七諤並序

門人武諤深於義一作詩者也質木沈悍慕要離之風潛

釣川海不數數於世間事聞中原作難西來訪余余愛子伯禽在魯許將冒胡兵以致之酒酣感激援筆而贈

馬如一匹練。明日過吳門。乃是要離客。西來欲報恩。笑開燕七首。拂拭竟無言。狄犬吠清洛。天津成塞垣。愛子隔東魯。空悲斷腸猿。林回棄白璧。千里阻同奔。君爲我致之。輕齋涉淮源。精誠合天道。不愧遠遊魂。

一作鄧攸魂

贈張相鎬二首

時逃難病在宿松山作後一首亦作書懷重寄張相公

神器難竊弄。天狼窺紫宸。六龍遷駕。白日四海。九洛暗胡塵。

昊穹降元宰。君子方經綸。澹然養浩氣。歛起持天鈞。秀骨象山

嶽。英謀合鬼神。佐漢解鴻門。興唐一作功成思退身。一作生唐擁旄

乘金錢。伐鼓乘朱輪。虎將如雷霆。一作電總戎向東巡。諸侯拜馬

首。猛士騎鯨鱗。澤被魚鳥悅。令行草木春。聖智一作逢聖不失時。建

功及良辰醜虜安足紀可貽嘲與巾倒瀉溟海珠盡爲入幕珍
馮異獻赤伏鄧生歛來臻庶同昆陽舉再觀漢儀新昔爲營將
鮑中奔吳隔秦一生欲報主百代期榮親其事竟不就哀哉難
重陳臥病古松滋蒼山空四鄰風雲激壯志枯槁驚常倫聞君
自天來目張氣益振亞夫得劇孟敵一作國空一作無人捫蝨
對桓公願得論悲辛大塊方噫氣何辭鼓青蘋斯言儻不合歸

老漢江濱昔爲營將鮑以下皆自述也

本家一作家本隴西人先爲漢邊將自敘家世功略蓋天地名飛青

雲上苦戰竟不俟當年頗惆悵世傳崆峒勇氣激金風壯英烈

遺厥孫百代神猶王十五觀奇書作賦凌相如龍顏惠殊寵麟

閣憑天居

一作侍從

晚途未云已

躡躑

遭讒毀

想像

晉末

時崩

騰胡塵起

承明廬

鋒鏑

戎虜

盈朝市

一作荆棘

石勒

窺神州

劉

聰劫天子

撫劔夜吟

嘯雄心

日千里

誓欲斬鯨鯢

澄清洛陽水

六合

一作灑霖

雨萬物

一作無凋枯

我揮一杯水

自笑何區區

因人恥成事

貴欲決良圖

滅虜不言功

飄然陟

一作蓬壺

唯有

安期舄畱之滄海隅

想像六句借晉事以喻明皇幸蜀

贈闕邱宿松

阮籍爲太守

乘驢上東平

剖竹十日間

一朝風化清

偶來拂衣

去誰測

主人情

夫子理宿松

浮雲知古城

掃地物莽然

秋來百

草生飛鳥還

舊巢遷人返

躬耕何慙宓

子賤不減陶淵明

吾知

千載後卻掩二賢名

獄中上崔相渙

尋陽

胡馬渡洛水血流征戰場千門閉秋景萬姓危朝霜賢相燮元氣再欣海縣康台庭有夔龍列宿粲成行羽翼三光聖發輝兩太陽應念覆盆下雪泣拜天光

太白坐永王麟事繫尋陽獄宣撫大使崔渙與御史中丞宋若

愚驗治以爲罪薄宜賞

繫尋陽上崔相渙二首

此題又有一首虛傳一片雨云云非上崔相之詩今不抄

邯鄲四十萬同日陷長平能迴造化筆或冀一人生

毛遂不墮井曾參甯

一作不

殺人虛言誤公子投杼惑慈親白璧

雙明月方知一玉真

毛遂曾參皆有兩人同名事見西京雜記太白引此以自此其遭讒之枉

贈劉都使

東平劉公幹南國秀餘芳一鳴卽朱紱五十佩銀章飲冰事戎
幕衣錦華水鄉銅官幾萬人諍訟清玉堂吐言貴珠玉落筆迴
風霜而我謝明主銜哀投夜郎歸家酒債多門客粲成行高談
滿四座一日傾千觴所求竟無緒裘馬欲摧藏主人若不顧明
發釣滄浪

此向劉都使借貸之
詩下語極有斟酌

贈常侍御

安石在東山無心濟天下一起振橫流功成復蕭灑大賢有舒
卷季葉輕風雅匡復屬何人君爲知音者傳聞武安將氣振長
平瓦燕趙期洗清周秦保宗社登朝若有言爲訪南遷賈

周秦
謂東

京西京時尙
未收復也

贈易秀才

少年解長劍。投贈卽分離。何不斷犀象。精光暗往時。蹉跎君自惜。竄逐我因誰。地遠虞翻老。秋深宋玉悲。空摧芳桂色。不屈古松姿。感激平生意。勞歌寄此辭。

經亂離後天恩流夜郎憶舊遊書懷贈江夏韋太守良宰

江夏岳陽

天上白玉京。十二樓五城。仙人撫我頂。結髮受長生。誤逐世間樂。頗窮理亂情。九十六聖君。浮雲挂空名。天地賭一擲。未能忘戰爭。試涉霸王略。將期軒冕榮。時命乃大謬。棄之海上行。學劍

翻自哂爲文竟何成劍非萬人敵文竊四海聲兒戲不足道五

噫出西京臨當欲去時慷慨淚沾纓歎君倜儻才標舉冠羣英

開筵引祖帳慰此遠徂征鞍馬若浮雲送余驃騎亭歌鍾不盡

意白日落昆明已上自敘少時以謫仙之才講匡時之略曾承韋太守餞別於長安十月到幽州

戈鋌若羅星君王棄北海掃地借長鯨呼吸走百川燕然可摧

傾心知不得意一作語卻欲棲蓬瀛鸞弧懼天狼挾矢不敢張攬

涕黃金臺呼天哭昭王無人貴駿骨綠耳空騰驤樂毅儻再生

于今亦奔亡蹉跎一作蒼茫不得意驅馬過貴鄉逢君聽絃歌肅穆

坐華堂百里獨太古陶然臥羲皇徵樂昌樂館開筵列壺觴賢

豪間青娥對燭儼成行醉舞紛綺席清歌繞飛梁歡娛未終朝

秩滿

一作解印

歸咸陽祖道擁萬人
供帳遙相望一別隔千里榮枯

異炎涼

已上自敘薄遊燕齊知祿山之必反而未敢言
又與韋相見於昌樂親見韋秩滿歸朝之事

炎涼幾

度改九土中橫潰漢甲連胡兵
沙塵暗雲海草木搖殺氣星辰

無光彩白骨成邱山蒼生竟何罪
兩關壯帝居國命懸哥舒長

戟三十萬開門納兇渠公卿如犬
羊忠讜臨與趙二聖出遊豫

兩京遂邱墟

已上敘安史之亂

帝子許專征秉旄控強楚
節制非桓文

軍師擁熊虎人心失去就賊勢
騰風雨惟君固房陵誠節冠終

古僕臥香鑪頂餐霞漱瑤泉
門開九江轉枕下五湖連半夜水

軍來尋陽滿旌旄空名適自誤
迫脅上樓船徒賜五百金棄之

若浮煙辭官不受賞翻謫夜郎
天夜郎萬里道西上令人老掃

蕩六合清。乃爲負霜草。日月無偏照。何由訴蒼昊。

已上敘永王

迫脅賜金而獲罪良牧稱神明。深仁恤交道。一忝青雲客。三登黃鶴樓。

顧慚爾處士虛對鸚鵡洲。樊山霸氣盡。寥落天地秋。

冠一作彤。翫清秋江帶蛾眉雪。橫穿三峽流。萬舸此中來。連帆過揚州。送此

萬里目。曠然散我憂。一作愁紗窗倚天開。水樹綠如髮。一作水綠

窺日一作光。畏銜山促酒。喜見月吳娃。與越豔。窈窕誇鉛紅。呼來

上雲梯。含笑出簾櫳。對客小垂手。羅衣舞春風。賓跪請休息。主

人情未極覽。君荆山作江鮑。蹙動色清。水出芙蓉天。然去雕飾。

已上敘至江夏後韋太守願逸興橫素襟。無時不招尋。朱門一作

遇之厚並贊其詩句之工龍擁虎士列戟何森森。鵲繫竹石開縈流。漲清深。登樓一作

坐

一作水閣吐論多英奇 音片辭貴白壁一諾輕黃金謂我不

魏君青鳥一作鳥明丹心五夜雲間鶴飛鳴天上來傳聞赦書至

卻放夜郎回暖氣變寒谷炎煙生死灰君登鳳池去勿棄賈生

才桀犬尙吠堯匈奴笑千秋中夜四五歎常爲大國憂旌旆夾

兩山黃河當中流連雞不得進飲馬空夷猶安得羿善射一箭

落旄頭已上敘與韋綯穆日久得聞赦

江夏使君叔席上贈史郎中

鳳凰丹禁裏銜出紫泥書昔放三湘去今還萬死餘仙郎久爲

別客舍問何如涸轍思流水浮雲失舊居多慚華省貴不以逐

臣疏復如竹林下而陪芳宴初希君生羽翼一化北溟魚

流夜郎半道承恩放還兼欣剋復之美書懷示息秀才

黃口爲人羅白龍乃魚服得罪豈怨天以愚陷網目鯨鯢未剪
滅豺狼屢翻覆悲作楚地囚何因秦庭哭遭逢二明主前後兩
遷逐去國愁夜郎投身窟荒谷半道雲屯蒙曠如鳥出籠遙欣
剋復美光武安可同天子巡劍閣儲皇守扶風揚袂正北辰開
襟攬羣雄胡兵出月窟雷破關之東左掃因右拂旋收洛陽宮
迴輿入咸京席卷六合通叱咤開帝業一作手成天地功大駕
還長安兩日忽再中一朝讓寶位劍璽傳無窮媿無秋毫力誰
念矍鑠翁弋者何所慕高飛仰冥鴻棄劍學丹砂臨鑑雙玉童
寄言息夫子歲晚陟方蓬